

四庫全書

史部

欽定四庫全書

關中勝蹟圖志卷二十六

陝西巡撫臣畢沅撰

地理

乾州釋名雍大記在長安西北隅故云沿革一統志治在省城西北百六十里禹貢雍州之域秦置好畤縣漢屬右扶風後漢因之後魏為扶風郡治又析置漢西縣屬武功郡後周廢扶風郡省好畤入漢西隋開皇十七

年置上宜縣十八年改漠西曰好時大業三年又省好時入上宜屬京兆郡唐武德二年復置好時縣屬雍州三年改屬稷州貞觀元年還屬雍州八年省上宜入岐陽縣二十一年廢好時又分岐陽置上宜縣尋改曰好時文明元年又分醴泉好時二縣地置奉天縣天授二年二縣并屬稷州大足元年還屬雍州乾寧初於奉天縣置乾州以好時縣屬焉五代因之宋熙寧五年州廢以奉天縣屬京兆好時縣屬鳳翔府政和七年復於奉

天縣置醴州八年割州屬環慶路金天德三年復改州  
曰乾州屬京兆府路元至元初并奉天縣入州五年又  
并好時縣入州屬奉元路明屬西安府

本朝雍正三年直隸陝西布政使司領縣二曰武功永壽  
州城通志唐建中元年德宗用桑道茂言詔京兆尹嚴  
郢城之子城周五里羅城周十里有奇高二丈二尺後  
子城圯今城即羅城也門六

武功縣釋名元和郡縣志縣境有武功山斜谷水亦曰

武功水縣以山水立名沿革一統志在乾州南六十里  
古郃國漢置獫狁美陽二縣屬右扶風後漢初廢獫狁縣永  
平八年置武功縣晉以武功屬始平郡後魏太平真君  
七年省入藍屋縣太和十一年于美陽縣置武功郡後  
周建德三年郡廢改美陽置武功縣屬扶風郡隋屬京  
兆郡唐武德三年于縣置稷州大足元年州廢縣屬雍  
州乾寧二年分屬乾州後唐同光中屬鳳翔府長興初  
又屬京兆府宋政和八年改屬醴州金天德三年屬乾

州大定二十九年改曰武亭元復曰武功明不改

本朝因之 縣城通志唐貞元十五年建依雍原之麓宋  
修元末張良弼李思齊增築又循雍原列十二城以守  
明洪武九年增築之周三里有奇土築門四

永壽縣釋名通志後周于永壽原西置永壽縣縣因原  
而名也沿革一統志在乾州北九十里漢漆縣地後魏  
白土縣地西魏大統十四年置廣壽縣後周大象元年  
改曰永壽隋開皇三年省入新平縣唐武德二年復置

屬邠州五代因之宋乾德二年改屬乾州熙寧五年仍屬邠州政和八年屬醴州金又屬邠州元至元五年還屬乾州明不改

本朝因之 縣城通志元至正四年建于麻亭鎮明末被寇圯因結寨于虎頭山居之

本朝順治丁酉築寨下南關康熙八年敕建新城西南依舊寨四方率律中央坦夷額曰金盤城周三里高二丈八尺土築門二

名山

乾州梁山通志在乾州北十里孟子太王居邠踰梁山  
史記秦始皇本紀始皇三十五年幸梁山宮注引師古  
曰梁山在岐山東九峻山西元和郡縣志梁山高宗乾  
陵所在乾州志山高三百七十四丈周九里廣二里正  
南兩峯並峙直北一峯最高東與醴泉之九峻比峻南  
對太白終南相近有玉洞

石門山通志在乾州西北十里許其下有響石潭一名幕

谷一名漠谷上有甘澤廟廟北崖高數丈水落勢如瀑布  
明月山通志在乾州西與扶風縣分界長安志嶺上有  
婁敬廟

丹崖乾州志在州東三十五里唐有竇氏二女於此投  
崖至今升草拳曲土石皆赤

豹谷通志在乾州東北十里有唐僖宗靖陵

五峯山乾州志在州東北五十里東與梁山相映五峰

並峙多產藥物上有靈湫禱雨多應

已上  
乾州

東原西原通志西原在武功縣西即縣城所附者東原在縣東長安志亦謂之上武亭川原上武亭川東原至興平西界二十五里上武亭川西原至扶風東界十一里武功縣志西原一名雍原即古周原也或曰通東西原皆謂之雍原又有鳳岡即雍原北岡也

南原元和郡縣志在武功縣西南二十里高五十丈西入扶風界武功縣志一名三時原自西而東盡於漆水之西潁北臨漳南距渭在縣境者十餘里

已上武功

武陵山通志在永壽縣城外西南一名翠屏山

甘泉山元和郡縣志在縣北二十五里一名高泉山太平寰宇記漠谷水源出此一名麻亭嶺

五峰山永壽縣志在縣東南八十里南界乾州東界醴泉發脉於縣北十里之分水嶺連延七十里陡起五峯為九峻山之祖脉山有寺內有寶泉旱禱則應一名溫修山一名溫秀山一名三陽山

已上永壽

大川

附水利

乾州武亭河在乾州西四十里自麟遊界來又南流入武功界一名武水一名杜水一名好時水即中亭川之上流水經注之大橫水也

漠谷水

漢一作莫

通志在乾州西自永壽縣麻亭嶺流入合

錦川水又南入武功縣界一名莢水水經注莢水出好時縣梁山大嶺泉南逕梁山宮西太平寰宇記莫谷水本名安陽泉後魏於水西置縣因名莫西乾州志漠谷水西南流逕乾州西北四十里地名龍塘口泉溫可浴

又稱沐浴河又逕州西南三十里入武功界合渭亦謂之夾道水

泔河通志在乾州東北十五里一名甘谷水太平寰宇記水自永壽縣溫宿嶺流至奉天縣界又入醴泉縣合於涇乾州志甘谷神潭在州東二十里土人聽水聲以占風雨如風即風如雨即雨

已工  
乾州

渭水通志在武功縣南三十五里自郿縣界來與藍屋接界又東入興平界水經注渭水自武功縣合溫泉水

又東逕蘄縣故城南又東合雍水又東逕鄱塢南

謹按漢武功今

屬郿縣蘄縣故城在縣西南

武功縣志渭水由扶風入縣界至永安

鎮南屬藍屋北屬武功行五十餘里至薛固鎮入興平界

雍水通志在武功縣西南十二里自扶風界流來又流入興平界水經注雍水東逕美陽縣之中亭川與大橫

水合又南逕美陽縣西又南流注於渭

謹按美陽縣今屬扶風

太

平寰宇記雍水俗名白水亦曰圍川水一名漳水武功

縣志漳水自扶風東門外受鳳泉水又至縣南合漆水  
南流入渭

武亭河通志在武功縣東門外自乾州界流入合雍水  
水經注大橫水自合鄉谷水又南英水注之又南逕美  
陽縣之中亭川注雍水謂之中亭川縣志漆水今譌為  
武水俗呼好時河自郿岐之間來入縣界行二十餘里  
至縣東門受漠谷水合流八里許會漳水入渭

漠谷水通志在武功縣東北自乾州流來合武亭水水

經注英水逕梁山宮西又南逕美陽縣之中亭川注雍  
水武功縣志浴水即乾州西夾道水從邠西梁山來意  
此或即沮水關西人讀浴若于于沮固易謠謹按漢谷  
水入縣界  
十五里入漆谷谷關西人讀作峪此水一  
名沐浴河亦漢谷之轉謠也已上武功  
漠谷水通志在永壽縣西北二里南流十八里入乾州  
之夾道河

錦州河通志在永壽縣西南六十里一名沙凹河流五  
十里入于乾州之龍塘合漠谷水川中石多錦文故名

汧河通志在永壽縣東一里一名東河自縣北十里之分水嶺東南流九十里入乾州界

醴泉通志在永壽縣南三十五里彭村有土橋水過橋南泄澗下久旱聞泉中吼聲則雨以穢物投之則水不逾橋滲入土中待穢盡水乃復出人呼神泉

呂公泉通志在永壽縣北五里邑無甘泉宋呂大防為令行近境得泉二欲導之入城而地勢高下不一乃用考工置臬法準之不旬日間䟽為渠又益民泉流入街

市民便之元至大三年邑人白用至北郭五里許俯矚  
流泉掘地得導水瓦溝金舊制也續瓦引流直達城內  
縣志源出分水嶺有三泉匯為一亦謂之呂公惠民泉  
金太和中主簿邢珣元延祐中處士白用重修後漸湮  
廢

本朝康熙九年修後縣以地震瓦溝壓裂雍正十年又修

治之

已上  
永壽

古蹟

宮闕

乾州秦梁山宮通志在永壽縣南八十里史記秦始皇本紀始皇幸梁山宮三秦記梁山宮城皆文石名織錦城

唐慶善宮雍錄本名武功高祖舊第也在武功縣渭水北太宗誕生于此貞觀六年改慶善宮會要貞觀六年太宗幸慶善宮宴從臣于渭濱上賦詩賞賜閭里有同漢宛沛焉起居郎呂才播于樂府被之管絃名曰功成慶善樂

古蹟 第宅

宋思政堂通志在乾州公署宋時本州刺史鄭彥文建  
元歸來堂乾州志在乾州城內元楊奐佚老之所

古蹟 祠宇

漢太白祠武功縣志在縣西北一里漢永平八年建祠  
于此旱禱神應明洪武丙辰重建

魏武陵寺永壽縣志在縣治西翠屏山內有塔後魏平  
陽王熙建明碧峰禪師居此

唐興教寺乾州志在州南四十里田果村唐貞觀八年建  
興國寺乾州志在州東南五十里唐貞觀八年建金  
大定四年修

薛祿寺乾州志在州東南四十里薛祿鎮唐德宗時建  
明萬曆二年修

日照寺乾州志在州西六十里河斜村唐德宗時建  
報本寺通志在武功西北一里本唐高祖舊宅大中元  
年建為寺依山立刹中有浮圖高二十尋偉然一邑之

望明萬厯年修又恩義寺在建子溝亦唐高祖故宅

宋唐太宗廟通志在武功縣城北宋元祐三年直龍圖閣游師雄建崇寧元年趙茂曾碑記按唐紀太宗文皇帝以隋開皇十二年戊午生於武功之別館有二龍戲門外三日而去京兆武功之南有唐慶善宮今為慈德寺乃其所也北日報本寺神堯之舊宅焉先是縣圖雖載厥事而祀秩無文龍圖閣游公率里人即報本北隅經始廟貌左右壁間悉圖貞觀朝臣英姿凜然彷彿

見當時之盛縣志前殿為鴻禧觀祀老氏明嘉靖末重修

明聖母姜嫄廟后稷廟在武功縣城內西山續文獻通考明嘉靖十五年巡按御史周鈇言武功即堯封后稷有郃之地與稷母姜嫄皆有專祀第未及祀典宜賜修舉從之閻鐸后稷祠碑記祠舊在縣西南二里後徙縣城之西坂上旁有古窰極深邃松檜交翠乾封三年復建神堯別館周顯德中傾圯為僧據為寶意寺而祠泯

矣明宏治辛亥重建祠復肖聖母姜嫄像于祠後通志  
按縣志后稷祠在城內西山上祠後作姜嫄祠皆明時  
改建與碑記同今姜嫄祠在山嶺最上又不知昉于何  
時也姜嫄祠制三楹前為后稷祠俱南向前後栢二十  
餘本歲時祭賽頗盛

本朝康熙四十年修

蘇武廟武功縣志在縣西原大道旁明萬曆辛未建  
渾城祠通志在乾州治南門內明洪武二十七年乾州

同知史孟通言唐忠臣渾瑊在德宗時涇原兵變保乘  
與全城郭功載唐史今其祠廟在而祀事有闕甚非報  
功勸忠之意宜令有司春秋致祭詔從之

竇女祠一統志在乾州城北四十里竇村唐書列傳竇  
伯女京兆奉天人永泰中遇賊行剽二女姊年十九妹  
年十六自匿山谷賊迹而得之將逼以私行臨大谷伯  
曰我豈受汚於賊乃自投下賊大駭俄而仲亦躍而墜  
京兆第五琦表其烈行詔旌門閭通志明宏治八年命

建新祠于東門外春秋享祀乾州志女死千有餘載其  
撲墜之處卉草拳曲土石皆赤奇蹟常存近更移置新  
祠于城東街豫備倉右

古蹟

郊邑

上古聖母姜嫄墓關中陵墓志在武功縣南門外武功  
古藪園也或云莖邠非是

漢蘇武墓通志在武功東三十里

臣謹按蘇武墓武功韓城兩地志乘皆載入元和郡

縣志武墓在好畤縣東攷故好畤縣地無常所漢縣在奉天界今在乾州東七里晉縣在舊縣南二里唐縣在州西北六里後併入永壽以今地按之武墓當在武功縣東三十里守節鄉且蘓氏自漢及唐世居武功當從通志為允

唐奉天故城通志唐德宗建中元年術士桑道茂言奉天有天子氣宜高大其城池乃命京兆發丁夫數千推六軍之士築奉天城名山記奉天城外象龜形內列六

街乾州志舊子城周五里羅城周十里後子城坍塌今  
乾州城即羅城舊址

薛仁貴采地乾州志在乾州東四十里今名薛祿鎮  
雙烈村乾州志在乾州北門外唐竇氏烈女故居也即  
今竇村北門有雙烈坊

雲橋乾州志在州南門外橋本朱泚築以攻城之具渾  
瑊掘隧陷賊之所今有橋存

高宗乾陵通志在乾州西北五里梁山唐書武后本紀

文明元年庚寅葬天皇大帝於乾陵唐書地理志文明  
元年析醴泉始平好畤武功邠州之永壽五縣地置奉  
天縣奉乾陵中宗本紀神龍二年五月庚申葬則天大  
聖皇后長安志乾陵周八十里有于闐國所進無字碑  
文獻通考陪葬乾陵者章懷太子賢懿德太子重潤澤  
王上金許王素節邠王守禮義陽新都永泰安興四公  
主特進王及善劉審禮中書令薛元超豆盧欽望楊再  
思劉仁軌左衛將軍李謹行左武衛將軍高侃

僖宗靖陵通志在乾州東北十五里唐書昭宗本紀文  
德元年十月辛卯葬惠聖恭安孝皇帝于靖陵長安志  
靖陵封內四十里與乾陵相接隔豹谷

狄仁傑墓關中陵墓志在乾州北門外五里許當乾陵  
東

蘇瓌墓通志在武功縣西南博村石墨鐫華許公瓌景  
雲元年十一月葬于武功碑盧藏用撰序張說撰銘八  
分書

蘇題墓通志在武功縣西南十五里新寨南有神道碑  
張說撰

宋游師雄墓通志在武功縣西八里石墨鐫華游師雄  
墓志張舜民撰邵鰭正書

明康海墓通志在武功縣西門外

關中勝蹟圖志卷二十六

欽定四庫全書

關中勝蹟圖志卷二十七

陝西巡撫臣畢沅撰

地理

邠州釋名元和郡縣志幽公劉所居之地後魏置幽州  
開元中以幽與幽字相涉改為邠字沿革一統志治在  
省城西北三百二十里禹貢雍州之域漢置漆縣屬右  
扶風後漢因之興平元年以縣置新平郡晉因之後魏

改置白土縣仍為新平郡治西魏置幽州隋開皇三年  
郡廢四年改縣曰新平大業二年州廢縣屬北地郡義  
寧二年復置新平郡唐武德元年復曰幽州開元十三  
年改幽曰邠天寶元年曰新平郡乾元元年復曰邠州  
屬關內道置邠寧節度使

唐書方鎮表光啓元年賜號靜難軍節度

五代

因之宋亦曰邠州新平郡靜難軍節度屬永興路金屬  
慶原路元曰邠州屬陝西行省明省新平縣入州屬西  
安府

本朝雍正三年直隸陝西布政使司領縣三曰三水淳化長武州城一統志元末築周九里有奇門四城南又有山城與州城相連周五里

三水縣釋名通志後魏縣名漢有三水縣屬安定郡後魏重置於今邠州界沿漢舊名也元和郡縣志云以縣有羅川谷三泉並流故以為號沿革一統志治在州東北六十五里古豳國周為邠國漢置邠邑縣屬右扶風後漢因之晉曰邠邑屬新平郡後廢後魏改置三水縣

仍屬新平郡西魏置恒州尋廢隋屬北地郡義寧二年屬新平郡唐屬邠州五代宋金因之元至元七年併入淳化縣明成化十四年復置仍屬邠州

本朝因之 縣城通志西北枕山東南臨溪明初築周五里有奇門四

淳化縣釋名通志宋太宗改元淳化立縣之始因以為名沿革一統志治在州東少南一百四十里漢置雲陽縣屬左馮翊後漢因之晉廢後魏以後為雲陽縣地

謹按

後魏太武別置雲陽縣在崑崙山前

宋淳化四年始分置淳化縣宣和元

年改屬邠州金元明不改

本朝因之

縣城通志宋建明嘉靖中增築周四里有

奇門三

長武縣釋名縣志明萬厯中置長武縣取縣西長武故

城為名

謹按魏書地形志陰槃縣有長武城縣志在今縣西北三十里

沿革一統志治

在州西北八十里漢北地郡鶉觚縣地後魏置東陰槃

縣屬趙平郡西魏改曰宜祿後周省入鶉觚隋為新平

縣地唐貞觀二年復置宜祿縣屬幽州五代宋金因之  
元廢入邠州明萬曆十一年始至長武縣屬邠州

本朝因之 縣城通志本唐宜祿縣城明萬曆中增築

周三里門五

名山

邠州紫微山在州城內西南隅連跨外郭通志上有宋  
金時屯兵故砦雍大記山有后稷砦相傳內有宅宋楊  
延昭所居

幽山在邠州治南城垣所依方輿勝覽巖壑嶽崎委曲  
百折瀑布飛濺一名安定巖雍大記州依以為城陡峻  
險固易守難攻州志一名鳳凰山俗以為周初鳳凰所  
棲地左列壽山前依澗水亦謂之邠巖又壽山在城東  
南山高而頂平上有民居及茂林修竹之勝又五龍泉  
在幽山之麓或以為即詩所云瞻彼溇原者元和郡縣  
志云五龍原在新平縣南三里原側有五泉水因名

謹按

新平故城即今治人按州東北三十里  
又有幽谷雍大記云即公劉立國處

明坦山在邠州西十里州志其麓有水簾洞深不可測  
唐貞觀中鑿山為連珠小竅形肖飛閣每歲元宵民率  
張燈於此以祈年

陳陽原在邠州西南元和郡縣志後魏於陳陽原上置

白土縣

謹按白土故城在州西南

太平寰宇記白土水流徑白土原

東陳陽原西

謹按此則陳陽原西又有白土原也

賀家谷在邠州西南州志為唐賀桂故宅

夏侯坡在邠州東五里又蒲津谷在州東七里州志相

傳宋潘邠老讀書處流泉如帶石洞尚存

已上邠州

幽山在三水縣治南縣城踞其上通志一名翠屏山一名掛榜山大雅所謂南岡者也又幽原在縣西十里括地志史記云武王登幽之阜以望商邑蓋登此也

白虎峪在三水縣西北十五里縣志茂草四圍長峪七折唐鄭谷詩所云峪平白虎藏巖洞是也

馬嶺山在三水縣西北六十里太平寰宇記俗名箭嶺抵慶州界馬嶺水所出

甘峪在三水縣南十里縣志路出長安為孔道南上五坂通古公原

佛面坡在三水縣東南名山記黑石巖在縣東南五十里

石門山西其巖色黝緇似漆壁立萬仞

謹按黑石巖當即佛面坡

肖塢山在三水縣東七里通志形似浮圖窰峪義峪麻峪皆在其下縣志峻聳干雲亦石關之支也其相近有白洞桃樹數百株春月紺紅如錦

石嘴山在三水縣東十五里縣志三面壁立惟一徑可

通亦名馬關

堡嶺在三水縣東三十里縣志即漢之左谷嶺一支旁  
出俗名龍嘴古柏成行絕頂有天池泉亦名龍泉兩崖  
石壁數仞泉自嶺直下昔元人避兵據堡汲飲不絕者  
賴此

中嶺在三水縣東三十里堡嶺之右通志中一作仲峭  
壁三百尺下臨汭水高下穴數十可容數百人相傳為  
漢盧芳所鑿縣志巖數丈可避風雨又桑村洞在其左

相傳元御史僧格實哩所穿門依碧流崖懸翠靄今為覽勝之地

石門山在三水縣東六十里史記秦獻公二十一年與晉戰於石門王褒雲陽宮記東北有石門山岡巒糾紛千霄秀出有石巖容數百人水經注五丈渠水出雲陽

縣石門山

謹按雲陽縣今屬淳化

縣志石門山漢名石關其北為

戴家山林木陰翳千巖環珙又其南為橫天嶺峻矗切

雲

又見淳化耀州

觀音崖在三水縣東北二十五里通志藤蘿垂陰漣漪遶  
徑中有靈湫深不可測旱禱輒應謂之觀音湫又崖之  
右有趙家洞一名琅天洞深邃寬平內有石屋又流石  
洞在趙家洞右谷中環遶如城而外復有兩巖對峙如門  
兩女砦山在三水縣東北七十里縣志山勢高聳南望  
平行其麓有兩塚相傳為秦扶蘇二女葬處

已上  
三水

嵯峨山在淳化縣東南五十里通志古名荆山漢書地

理志雲陽縣有荆山

謹按雲陽故  
城在縣西北

元和郡縣志一名截

薛山東西二十五里南北二十里山上有雲必雨常以  
為候縣志五峯秀立土人亦呼為北五臺東南三原西

南涇陽接界

又見三原  
涇陽二縣

壽峯山在淳化縣北二里一統志俗呼為三楞山或謂  
即甘泉賦所云椽巒也

石門山在淳化縣北六十里亦稱石門關與耀州三水  
接界元和郡縣志峯巖相對望之如門

甘泉山在淳化縣西北五十里戰國策范雎說秦昭王

曰王國北有甘泉谷口之固史記封禪書黃帝接萬靈  
明廷明廷甘泉也班固西都賦其陰則冠以九峻陪以甘  
泉注甘泉山名漢置宮於上以祈祀括地志甘泉山一  
名石鼓原俗名磨石嶺在雲陽縣西九十里元和郡縣  
志甘泉山周圍六十里通志嶺高出他山距長安甚遠  
而能望見長安城堞有通天臺雲雨皆在臺下山中宮  
殿臺觀與建章相比

仲山在淳化縣南三十里又冶谷在縣東南四十里嵯

峨仲山之間

車箱坂在淳化縣東北二十五里通志亦名車盤嶺元和郡縣志在雲陽縣西北三十八里縈紆曲折單軌纔通上坂則平原宏敞樓觀相屬即趨甘泉宮道也

大唐山在淳化縣東北四十里通志唐時取茶於此與

耀州接界

已上淳化

淺水原在長武縣治西通志即鶉觚原又名集賢岡魏

書地形志鶉觚縣有鶉觚原

謹按鶉觚故城在縣南

元和郡縣志

淺水原即今宜祿縣理所

謹按宜祿故城即今治

唐書地理志宜

祿縣有淺水原縣志縣治北有集賢岡上有唐英公祠迴谿巨壑盤旋險峻或稱四鰲山又謂之五鳳巢即淺水原矣又縣北五里有淺水墩蓋亦以原而名

黃萑原在長武縣北通志黃萑草名也原接平涼府涇州界盤谷在長武縣西三十里通志三峯鼎峙二水交流邑中之勝槩

龍纏峯在長武縣西南十五里縣志亦謂之蟹峰在前

川河中峯高百餘丈頂僅二畝餘其形如蟹水流環遶故亦謂之龍纏峯

畫閣山在長武縣南三十里通志山有畫閣寺為誌公

說法處旁有溫泉冬月不凍

已土長武

### 大川

邠州涇水在州北二里自長武縣流入又東南入淳化界元和郡縣志西北自宜祿界流入

謹按唐宜祿縣今屬長武

金史

地理志新平有涇水

黑水河在邠州西四十里與長武接界其流入涇通志  
即汭水汭一作芮一名宜祿川一名達溪川詩大雅芮  
鞠之即漢書地理志芮水出汧縣西北東入涇謹按汧縣今屬  
隴州志汭水在邠州又東逕宜祿縣俗謂之宜祿川州  
冊達溪川源出隴之五馬山逕靈臺縣為西川至邠州  
入涇邠志云梁山黑水即此

水簾河在邠州西十里通志即漆水詩大雅民之初生  
自土沮漆史記周本紀太王去邠渡漆沮踰梁山至岐

下元和郡縣志漆水在新平縣西九里北流注於涇今麟遊縣亦有漆水與此異太平寰宇記按水經注云漆水自宜祿界來又東過漆縣北

謹按今本水經注無此文

以此驗之

即邠州所理是也今縣西九里有白土川東北流逕白土川東北流逕白土原東陳陽原西或云即漢之漆水但古今異名耳

臣謹按禹貢漆沮既從綿詩自土沮漆此漆水入涇樂史以邠州白土川當之考其地理頗合然以為漢

地理志之漆則其水入渭與此不同辨見鳳翔府大

川卷中

洪龍河在邠州城西通志源出州南孫村北流入涇或  
以為即詩之過澗

南河在邠州城東通志源出州南張家堡北流入涇或

以為即詩之皇澗

謹按皇過二澗或又有以三水之  
支唐梁渠二川當之與此不符

三水河在邠州東北三十里通志即泃水西南流入涇

公主川在邠州東南唐姜慶尚新平公主賜第於此

西湖在邠州西北隅通志有范文正公眉壽堂故址

石龍渦在邠州西北十里都穆石龍渦記山中斗峻人

鮮能至間有至者言渦乃一大坎中刻石為龍形然不

知埋自何時延祐碑謂禱雨以器取水迎至城隍祠雷

即隱隱起座隅久之大雨霽霈

已上  
邠州

勅修川在三水縣東北三十里通志一名羅川金史地

理志三水縣有羅川水

支唐川在三水縣北二十里通志一名陵水自慶陽府

正定縣流入詩大雅夾其皇澗水經注云大陵水小陵水出巡和南殊川西南逕寧陽城陵水即皇澗也縣志在溥原之後澗大故稱皇俗謂之支唐川

梁渠川在三水縣西北十八里通志即過澗一名炭泉詩大雅邇其過澗正義皇澗縱在兩旁夾之過澗橫故在北嚮之縣志炭泉澗起於溥原自北而西南過其境謂之過澗

沁水在三水縣南門外通志沁普八切即師水一名三

水河俗名縣河源出石門山流合玉泉白馬泉稍泉故以名縣州志源出宜君縣競窩山西南流逕縣西南合於涇縣志見許氏說文亦名師水取地水師之義也

溫涼河在三水縣西三里縣志源出寶峰峪溫泉冬溫夏涼味亦清甘南流入汧水錢谷愚煖泉記三水縣有煖泉亢旱不竭沍寒不冰故名

清水在三水縣東六十里源出石門山東南流入耀州界水經注五丈渠出雲陽縣石門山謂之清水東南流

逕黃嶺山西又南入葭州縣

萬壽湫在三水縣東北二十餘里唐書地理志三水縣北有萬壽湫大歷八年因風雷而成

金沙泉在三水縣北二十里半川村通志一名金泉在縣北溥原之下昔有人飲此水見金色燦爛故名即唐

鄭谷詩所云地湧金泉過石門也

已上  
三水

涇水在淳化縣西南自邠州流入又東南逕醴泉入涇陽界隋書地理志雲陽縣有涇水元和郡縣志在雲陽

縣西南二十五里太平寰宇記水經注云涇水東流歷  
峽謂之涇峽

七里川在淳化縣北三十五里通志源出石門山自三  
水縣西南流為七里川又逕三里原為姜嫄河合小峽  
溝水南入於涇其小峽溝水在縣北二十五里又五龍  
水在縣西俱南流合七里川入涇隋書地理志有五龍  
水太平寰宇記五龍水雲陽宮西南

冶谷水在淳化縣東又東南入涇陽界長安志雲陽縣

治治水自西北淳化縣界來縣志治谷水在縣東門外  
即縣河一名淳化河源出蝎子掌山逕縣東合甘泉水  
馬跑泉又東南流逕縣南合葫蘆河流逕涇陽縣至三  
原縣與清谷水合流入治谷水

甘泉水在淳化縣北四十里隋書地理志雲陽縣有甘  
水十道志甘泉水出石鼓西原縣志其味甘美異於他  
水

馬跑泉水在淳化縣東北四十里通志逕太山廟下流

入冶谷河相傳唐太宗獵此馬跑地出泉故名

金泉在淳化縣東南太平寰宇記雲陽宮記云入冶谷  
二十里有一槐樹樹北有泉名曰金泉泉出數穴清澈  
見底按雍州記云有人飲此泉水見有金色從山上照  
水中往取得金故有此名縣志又名觀音泉世傳其水  
甘香目眇者洗之可明

已上  
淳化

涇水在長武縣北二十里通志自涇州入本境又東南

流入邠州界

黑水河在長武縣南十五里元和郡縣志西魏廢帝以縣南臨宜祿川因改縣名曰宜祿太平寰宇記宜祿川一名芮水自涇州鶉觚縣界流入水經注云汭水東逕宜祿川俗謂之宜祿水金史地理志宜祿縣有汭水縣志後川河在縣南又南十里有前川河俱至靈臺縣流入合而東流謂之黑水河經縣東四十里停口鎮合於涇即宜祿水也

鴨兒溝水在長武縣北東北入涇通志即陶林溝宋陶

穀故里

龍女泉在長武縣東北三十里通志俗傳為柳毅傳書

處

已上  
長武

古蹟 宮闕

邠州上古合宮通志在淳化縣北五十里甘泉山漢書地理志黃帝治萬國朝諸侯乃作合宮兼明廷布政於甘泉史記封禪書黃帝接萬靈明廷明廷者甘泉也

秦林光宮雍勝畧秦時宮也故基在甘泉山上三輔黃

圖林光宮縱廣各五里在雲陽縣界關中記林光宮一  
曰甘泉宮秦起在今池陽縣西北故甘泉縣甘泉山上  
周迴十餘里

漢甘泉宮雍勝畧在淳化縣甘泉山上漢書郊祀志齊  
人李少翁言上即欲與神通宮室被服非象神物不至  
迺作甘泉宮中為臺畫天地泰一諸鬼神而置祭具以  
致天神關輔記甘泉宮一曰雲陽宮周十九里二百二  
十步有宮十三臺十一武帝常以五月避暑於此八月

乃還有銅人二枚在門外三輔黃圖甘泉宮苑緣山谷行至雲陽三百八十里西入扶風凡周回五百四十里雍錄甘泉宮在雲陽縣磨石嶺上長安志曰磨石嶺山有甘泉十道志曰甘泉出石鼓西原漢甘泉宮山上即秦林光宮旁也此取石鼓甘泉以名者也秦之林光至漢猶存漢武元封二年始即磨盤嶺秦宮之側為宮是為漢甘泉矣孟康注郊祀志曰甘泉一名林光師古曰漢於秦林光旁起甘泉宮非一名也師古說是也元封

二年以前史之所記文景皆嘗臨幸甘泉不曰甘泉有  
宮可幸當是秦之林光遠在磨盤嶺上不燼於火而可  
用也武帝雖別敕甘泉一宮而秦之林光如故則謂甘  
泉宮在林光宮旁者是也長安志雲陽宮記曰甘泉宮  
北有槐樹今謂之玉槐根榦盤峙二三百年木也耆舊  
相傳咸以為此樹即揚雄甘泉賦所謂玉樹青蔥者也  
淳化縣志甘泉宮在甘泉山上今其地尚餘瓦甃作流  
水紋瓦頭有篆字 燹關甘泉賦前燹關晉灼曰燹關

赤色之闕南方之帝曰赤熒 雍門晉灼曰雍門正在  
燁闕之內也 前殿漢官儀注武帝於甘泉宮更置前  
殿始廣諸宮室有芝生甘泉殿邊房漢舊儀芝有九莖  
金色綠葉珠實夜有光乃作芝房之歌甘泉賦前殿崔  
巍兮和氏玲瓏 紫殿三輔黃圖漢武帝起紫殿雕文  
刻鏤以玉飾之成帝永始四年行幸甘泉郊泰畤神光  
降於紫殿西京雜記武帝設雲帳雲幄雲幙於甘泉紫  
殿世為三雲殿 泰畤殿漢書宣帝本紀元康四年三

月詔曰迺者神爵五采以萬數集甘泉泰畤殿中及上  
林苑 通天臺漢書武帝紀元封二年夏四月作甘泉  
通天臺師古曰言此臺高上通於天也漢舊儀曰高三十  
丈漢武故事通天臺去地百餘丈望雲雨悉在其下去  
長安三百里望見長安城黃帝以來祭天圓丘處武帝  
祭太一上通天臺舞八歲童女三百人置祠祀招仙人  
祭太一令人升通天臺以候天神天神既下祭所若大  
流星乃舉烽火而就竹宮望拜上有承露仙人掌擎玉

杯承雲表之露甘泉賦乃望通天之繹繹直嶢嶢以造  
天三輔黃圖通天臺元鳳間自毀椽桷化為龍鳳從風  
雨飛去亦曰候神臺又曰望仙臺望風臺洞冥記太  
初二年起甘泉望風臺臺上得白珠如花一枝帝以錦  
蓋覆之如照月矣因名照月珠益壽館延壽館漢書  
郊祀志公孫卿言仙人好樓居於是上令長安則作飛  
廉桂館甘泉則作益壽延壽館使卿持節設具而候神  
人明光宮三輔黃圖武帝求仙起明光宮

謹按雍錄  
漢有明光

宮三一在北宮與長安相連一在甘泉宮中一為尚書奏事之地黃圖於今係之甘泉今徙之

居室史記衛青傳青嘗從入甘泉居室正義居室署名武帝改曰保室灌夫繫居室是也 竹宮三輔黃圖甘

泉祠宮也以竹為宮天子居中漢舊儀云竹宮去壇三里 招仙閣洞冥記元鼎元年起招仙閣於甘泉宮西昆明池雲波殿述異記甘泉宮南昆明池中有靈波殿皆以桂為柱風來自香 高光宮長安志甘泉宮有

高光宮甘泉賦覽繆流於高光服虔曰高光宮名也繆流

曲折也 通靈臺漢武內傳鈎弋夫人既殞香聞十  
餘里帝疑其非常人也乃起通靈臺於甘泉常有一青  
鳥集臺上往來 木園漢魏宮志甘泉宮有木園武帝  
時園也今俗呼為仙草園 壽宮漢書郊祀志武帝幸  
甘泉置壽宮 洪厓宮旁皇觀儲胥觀弩陸宮俱在甘  
泉宮見長安志 迎風館見漢書 石闕觀鳩鵲觀露  
寒觀在甘泉宮外見甘泉賦 諸侯邸雍勝畧故基在  
甘泉山史記封禪書方士多言古帝王都甘泉者其後

天子又朝諸侯甘泉有諸侯邸

漢揚雄甘泉賦孝成帝時客有薦雄文似相如者上

方郊祀甘泉秦時汾陰后土以求繼嗣名雄待詔承明之  
庭正月從上甘泉還奏甘泉賦以風其辭曰惟漢十世將  
郊上元定泰時雍神休尊明號同符三皇錄功五帝郵嗣  
錫羨拓迹開統於是乃命羣僚歷吉日協靈辰星陳而  
天行詔招搖與太陰兮伏鉤陳使當兵屬堪輿以壁壘  
兮悄夔魃而扶搖狂八神奔而警蹕兮振殷轉而軍裝  
蚩尤之倫帶干將而秉玉戚兮飛蒙茸而走陸梁齊總  
總以搏搏其相膠轕兮焱駭雲迅奮以方攘駢羅列布  
鱗以雜當兮柴虎參差魚頤而鳥旂翕赫兮霍霧集而  
蒙合兮半散昭爛策以成章於是乘輿過登夫鳳皇兮  
而翳華芝駟蒼螭兮六素蚪蜺畧綈綈兮綈綈綈綈  
陰閉雲然陽開騰清霄而軼浮景兮夫何旟旐郅偁之  
旖旎也流星旄以電燭兮咸翠蓋而鸞旗敷萬騎於中  
營兮方玉車之千乘聲駢隱以陸離兮輕先疾雷而馭

遺風凌高衍之嵒岷兮起紆譎之清澄登椽櫟而壯天  
門兮馳閭闔而入凌兢是時未輶夫甘泉也迺望通天  
之繹繹下陰潛以慘廩兮上洪紛而相錯直嶢嶢以造  
天兮厥高慶而不可乎彌度平原唐其壇曼兮列新雉  
於林薄攢并間與芟括兮紛被麗其亡鄂崇丘陵之駭  
駭兮深溝嶽巖而為谷遣違離宮般以相燭兮封巖石  
關施靡乎延屬於是大厦雲譎波詭摧唯而成觀仰橋  
首以高視兮日冥晦而亡見正瀏濫以宏愔兮指東西  
之漫漫徒徊徊以徬徬兮魂眇眇而昏亂據軫軒而周  
流兮忽坎北而亡垠翠玉樹之青蔥兮璧馬屏之璘璫  
金人屹屹其承鍾虞兮嵌巖巖其龍鱗揚光曜之燎爍  
兮垂景炎之所斫配帝居之縣圖兮象泰壹之威神洪  
臺嶠其獨出兮檄北極之崢嶸列宿迺施於上縈兮日  
月纔經於挾振雷鬱律於巖窔兮電鱗忽於牆藩鬼魅  
不能自逮兮半長途而下顛歷倒景而絕飛梁兮浮蟻  
蝶而撒天左欒槍而右元冥兮前燥闢而後應門陰西

海與幽都兮酒醴汨以生川蛟龍連蜷於東厓兮白虎  
敷圍乎崑崙覽樛流於高光兮落方皇於西清前殿崔  
巍兮和氏玲瓏抗浮柱之飛棟兮神莫莫而扶傾閭閻  
闔其寥廓兮伊紫宮之崢嶸駢交錯而曼衍兮崦嵫隗  
乎其相嬰乘雲閣而上下兮紛蒙籠以棍成曳紅采之  
流離兮飈翠氣之宛延襲琬室與傾宮兮若登高眇遠  
亡國肅乎臨淵回焱肆其碣駭兮玃桂椒而鬱移揚香  
芬第以穹隆兮蜂薄檻而將榮薌咲盼以棍批兮聲駢  
隱歷鍾排玉戶而飈金鋪兮發蘭蕙與芻蕘惟翔環其  
拂泊兮稍暗暗而靚深陰陽清濁穆羽相和兮若夔牙  
之調琴般倕棄其削厠兮王爾投其鉤繩雖方征僑與  
倭佺兮猶彷彿其若夢於是事變物化目駭耳回蓋天  
子穆然珍臺間館琬題玉英蜩蛸蝶護之中惟夫所以  
澄心清魂儲精垂恩感動天地逆陸三神者迺搜速索  
偶臯伊之徒冠倫魁能幽甘棠之惠挾東征之意相與  
齊乎陽靈之宮靡薜荔而為席兮折瓊枝以為芳吸清

雲之流瑕兮飲若木之露英集乎禮神之園登乎頌祇  
之堂建光耀之長猶兮昭華覆之威威攀璇璣而下視  
兮行遊目乎三危陳衆車於東阬兮肆玉軼而下馳漂  
龍淵而還九垓兮窺地底而上回風澌澌而扶轄兮鸞  
鳳紛其銜蕤梁弱水之瀟灑兮躡不周之逶蛇想西王  
母欣然而上壽兮屏玉女而却必妃玉女亡所眺其清  
曠兮宓妃曾不得施其蛾眉方攬道德之精剛兮侔神  
明與之為資於是欽柴宗祈燎薰皇天臯搖泰一舉洪  
頤樹靈旗樵蒸昆上配藜四施東嶠滄海西耀流沙北  
嶺幽都南煬丹厓元璣鯨膠拒宅泔淡盼蟹豐融懿懿  
芬芬炎感黃龍兮燦訛碩麟選巫咸兮叫帝閭開天庭兮  
延犀神儼暗藹兮降清壇瑞穰穰兮委如山於是事畢  
功宏迴車而歸度三巒兮偁西黎天開決兮地垠開八  
荒協兮萬國諧登長平兮雷鼓殪天聲起兮勇士厲雲  
飛揚兮雨滂沛於香德兮麗萬世亂曰崇崇園丘隆隱  
天兮登降崩施單塊垣兮增宮嶠差駢羞我兮嶺嶸嶸

峴洞無厓兮上天之絳杳旭卉兮聖皇穆穆信厥對兮  
徠祇郊禋神所依兮匪徊招搖靈遲遲兮光輝眩耀降  
厥福兮子子孫  
孫長無極兮

棠梨宮三輔黃圖在甘泉苑垣外雲陽南三十里

師得宮漢書注師古曰師得宮在雲陽界

古蹟

苑園附  
第宅

漢昭祥苑洞冥記在甘泉宮西周回四十里萬國獻異  
物皆集此中

梨園通志即今淳化縣城雲陽宮記車箱坂下有梨園

漢武帝築大一頃樹數百株青翠繁密望之如車蓋  
後漢第五倫宅通志在三水縣東歸義鄉蒲東社邠州  
志云東漢賜田宅三十六所此其一也

隋牛宏故居通志邠州西南六十里宜祿舊縣東進賢  
里吏部尚書牛宏故居也俗呼相莊

唐丰川府一統志在三水縣北唐書地理志云邠州有  
公劉蟬川等府按三水縣志有丰川府蓋即蟬川之訛  
宋眉壽堂一統志在州西北隅范仲淹知邠州時建通

志堂臨西湖湖上有古幽亭俯觀湖水波濤湧起一州之偉觀也

吏隱堂一統志在淳化縣宣和七年縣令張安祖建有碑

古蹟

祠宇

周姜嫄祠通志在邠州南門外唐節度使張憲甫建金石文字記唐姜嫄公劉新廟碑今存  
公劉祠通志在邠州東八十里杜陵村

太王祠一統志在姜嫄祠左

秦扶蘇廟一統志在三水縣東石門山相傳扶蘇沒於此故立廟祀之

漢武帝廟一統志在淳化縣西北故甘泉宮

唐慶壽寺一統志在邠州西二十里唐建有佛像坐石巖下高十餘丈俗名大佛寺

寶塔寺一統志在三水縣東門外唐建有塔高十五丈七級八角二十四窻甃砌甚工

昭仁寺一統志在長武縣治東元和郡縣志寺在宜祿縣西十步淺水原上太宗平薛仁果詔於此置寺碑文諫議大夫朱子奢之辭也

宋范文正公祠一統志在邠州治東祀范仲淹

淨土天王祠通志在三水縣南三十里淳化三年勅建碣記出自御製

金顯應禪院通志在邠州西門外不百武舊名普照中有碑乃正隆間僧所撰記

古蹟郊邑

上古履跡坪雍勝略在邠州城南門外相傳為姜嫄出祀郊禘履巨人跡於此

隘巷雍勝略在邠州治南相傳生后稷之所詩曰誕置之隘巷牛羊腓字之

狼乳溝通志在邠州南俗傳即平林寒冰之地

商古公城雍勝略在邠州南山上與今州城相連

飛雲洞三水縣志在縣東二十里中嶺之下即古公時

之陶復陶穴陶復則土而陶穴則石也峭壁危崖不可攀躋元御史僧格錫哩守此明徐達遣兵逼之勢窮不屈與妻俱投崖下死焉

公劉墓通志在邠州東八十里墓長三里許北枕山谷南控涇水

漢公孫莊通志在邠州西南二十里漢公孫賀故宅今謂之孫村州冊賀墓亦在焉

謹按關中陵墓志慶陽府亦有賀墓

石門關通志在三水縣東六十里石門山兩山夾立勢

極高峻為西北要害亦名堯門漢更名石關為邠之鎮以漢武於此立關而名也縣冊關外為耀州淳化宜君同官四州縣之地明置石門關甃石為城設巡司今裁龍尾壑通志在淳化縣漢元封中大秦國貢花蹄牛善走多力武帝令輦銅石起望仙宮牛跡在石上皆蓮花形輦得異石長十丈高三丈立於望仙宮名龍鏟石武帝末石自陷入地尾出於石上後人呼為龍尾壑涼武地通志在淳化縣北五十里漢武帝避暑處

聖人橋通志在淳化縣東南二十八里跨米倉溝入治谷河處相傳漢武帝遊甘泉時故道明嘉靖中重修延袤百尺改名聖濟橋

永安橋通志在淳化縣北門外里許相傳漢昭帝築以通雲陵

鉤弋夫人墓通志在淳化縣北三十里三輔黃圖雲陵在甘泉宮南今人呼為女陵括地志陵在雲陽縣西北五十里長安志在漢雲陵城南

晉新平城邠州志即今州城晉書載記太元十年姚萇  
攻新平太守苗輔固守初石季龍末清河崔峻為新平  
相為郡人所殺堅禁錮新平人缺其城角以恥之新平  
人深以為慙故相率拒萇以立忠義

八王城一統志在三水縣東北唐川中流秦姚泓時故  
城也舊址猶存

高塠城一統志在長武縣北唐武德初薛舉寇涇州進  
逼高塠劉文静等陳於高塠西南舉潛師掩其後文静

敗於淺水原舉遂拔高塠既而秦王敗薛仁果於高塠  
追至涇州唐書地理志定平縣有高塠城元和郡縣志  
故城在宜祿縣北五里太平寰宇記謂即淺水城大統  
十四年廢未知何據

苻堅墓一統志在邠州西南元和郡縣志在新平縣東

南二十里

謹按新平故城即  
州治東字疑悞

唐職田鎮通志在三水縣東北三十里廣德初縣嘗治  
此鎮城周三里相傳尉遲敬德務農處廟址存焉

侯君集墓通志在三水縣東北雞阜山

宋陶穀墓通志在邠州西三里

范祥墓通志在三水縣太慈村祥官置制使子侍郎育  
祔二冢相望舊碑歸然

張確墓通志在長武縣南二十里宣和七年確官隆德  
知府死金難贈述古殿學士

金白驥鎮通志在邠州西北五十里九域志新平縣有  
白驥鎮州志今名白吉橋

雙槐堡通志在三水縣西五十步四面懸崖碧流東繞下有古槐一根二幹故名元末李思齊等據此元廣濟橋通志在邠州東門外南河上即皇澗水橋久圯民病於涉嘉靖三十二年重築

暗橋通志在三水縣北三十里跨支唐川上兩旁懸崖中通道路嘉靖二十七年建鐵門一重險固可守

冉店鎮通志在長武縣東二十里其地深溝巨壑中道僅容一車明總制楊一清移宜祿鎮巡司於此後又徙

於密店

本朝劉偁墓通志在三水縣西蒲泉舍偁滇南總兵水西  
之難戰歿康熙十年

賜祭葬建塋立碑以旌忠節

關中勝蹟圖志卷二十七

欽定四庫全書

關中勝蹟圖志卷二十八

陝西巡撫臣畢沅撰

地理

興安州釋名續文獻通考明初沿舊名為金州萬厯間  
改興安因徙置錫名也沿革一統志治在省城南六百  
八十里禹貢梁州之域戰國屬楚秦為漢中郡地漢置  
西城縣屬焉後漢分置西城郡魏改曰魏興郡屬荊州

晉改屬梁州梁天監中於郡置梁州亦曰北梁州尋改南梁州西魏改東梁州又改金州隋復為西城郡唐改郡為金州天寶初改曰安康郡至德初又改為漢南郡乾元初復曰金州屬山南東道五代初屬蜀後屬晉宋曰金州安康郡屬京西南路建炎後屬利州路元仍為金州以州治西城縣省入屬興元路明初屬漢中府萬厯十一年改曰興安州二十三年直隸陝西布政使司

本朝因之領縣六曰平利洵陽白河紫陽石泉漢陰

州城舊城周六里有奇北臨漢江明洪武四年築萬歷十一年圯於水十二年復築新城於南原移州治之

本朝順治初新城圯復移舊城康熙四十五年復圯明年改築新城於趙臺山下在舊城南三里周七百三十三丈門四

平利縣釋名舊唐書梁於平利川置吉陽縣武德初改曰平利以川名也沿革一統志在州南少東九十里漢西城縣地晉置上廉縣屬上庸郡劉宋永初後廢蕭齊

復置梁改曰吉陽西魏改曰吉安隋廢唐武德元年置  
平利縣屬金州宋熙寧中省入西城元祐中復置元省  
明初復置屬興安州

本朝因之 縣城舊在白土關明洪武五年始徙今治  
東西阻水南北倚山隆慶元年改築悉甃以石周四里  
有奇門四

洵陽縣釋名太平寰宇記漢舊城以在洵水之陽而名  
沿革一統志在州東一百二十里戰國楚洵陽邑漢置

旬陽縣屬漢中郡後漢省晉復置曰郿陽屬魏興郡劉宋復曰旬陽齊因之西魏又曰洵陽隋屬西城郡唐武德初於縣置洵州七年州廢縣屬金州宋因之元省明初復置屬興安州

本朝因之 縣城因山為之城阻水為之池周三里有奇門三

白河縣釋名通志明成化中置白河堡以白石河為名尋改為縣沿革一統志在州東四百里春秋時錫穴地

漢置錫縣屬漢中郡

謹按漢書地理志漢中地有錫縣應劭音陽師古曰即春秋所謂錫

穴也魏屬魏興郡晉因之劉宋僞置南上洛郡西魏改為

豐利郡又置豐利縣後周郡廢隋屬西城郡唐武德初屬上州貞觀間屬均州宋省入鄖鄉縣明初為洵陽地成化十一年析置白河縣屬湖廣鄖陽府尋改屬金州後屬興安州

本朝因之 縣城舊城明成化十二年築周三里有奇  
明末毀

本朝康熙二十六年改周半里許門三

紫陽縣釋名通志縣南紫陽灘旁有洞紫陽真人所居  
縣名本此沿革一統志在州西南二百二十里漢西城  
縣地劉宋置廣城縣屬魏興郡齊因之後魏為寧都縣  
地隋為安康縣地唐初復為寧都縣地後為漢陰縣地  
明正德七年立紫陽堡八年陞為縣屬金州萬厯中屬  
興安州

本朝因之 縣城舊城明嘉靖三十五年築後毀

本朝順治七年就南隅改築周五百十步門三

石泉縣釋名太平寰宇記以縣北石泉為名沿革一統志在州西北二百七十里漢安陽縣地晉永和中置晉昌郡領長樂等縣劉宋末郡省縣屬魏興郡蕭齊復置晉昌郡西魏改郡曰魏昌縣曰永樂尋又改縣曰石泉後周郡廢縣屬金州隋屬西城郡唐大厯間省入漢陰縣永貞元年復置仍屬金州宋因之元省明初復置屬金州嘉靖三十九年屬漢中府萬厯十一年屬興安州

本朝因之 縣城倚山阻水明正德四年築周三里門

四

漢陰縣釋名通志舊治漢江南紹興初徙治新店按水  
南曰陰初治漢南故名漢陰後徙漢北而仍名漢陰者  
襲舊名而誤也沿革一統志在州西少北一百八十里  
本漢安陽縣地魏屬魏興郡晉更名安康縣宋末置安  
康郡蕭齊因之後魏又於郡置東梁州西魏改曰直州  
尋改縣曰寧都隋州郡並廢改寧都縣曰安康屬西城

郡唐初於縣置西安州又改為直州後廢以縣屬金州至德二載改曰漢陰宋因之元省明初復置屬金州嘉靖三十九年屬漢中府萬曆十一年屬興安州

木朝因之

縣城明成化初築正德間甃以磚周四里

門三

名山

興安州牛頭山在州北九十里通志即牛山唐書地理志西城縣有牛山

謹按西城故城在州西北

州志綿亘百餘里高入

雲漢有金牛洞又其巔有五硤山峰巒錯互又有蠟燭山青翠挿天以形似名

三教山在興安州北百二十里通志山甚高有二龍湫相傳為南嶽禪師道場二龍得度報以甘泉傍有喬松二龍所遊戲繞三匝而上舊痕宛然歲旱禱雨於此

王莽山在興安州北三百里通志莽嘗遣兵戍守於此傳家河水出焉山傍有樹高數仞其陰四蔽而空其中名重陽樹山西為燕子嶺接鎮安界嶺東為二郎山四

面險峻其頂平坦可屯數千人泉流皆瀑布林木蒼翳人跡罕至過此則為鎮安之下茅坪矣

心山在興安州西北五里通志相近有梅花山首枕漢江是為姚墟漢陽厥守漢中棄官修仙於此

鯉魚山在興安州西四十里通志山下有泉舊時泉內有二鯉魚禱雨多應今涸輿地紀勝與漢陰鳳凰山相連以鳳凰為頭鯉魚為尾共一百二十里

鳳凰山在興安州西七十里雍勝略懸聳萬仞冠絕羣

山州志山西阻池河北阻越河東南阻漢亘二百五十里跨興漢石紫四郡縣地又天馬山在州西九十里亦鳳凰山之支也越河經其下相近有越嶺與天馬山對峙接漢陰界又小堽子在州西北二十里兩山壁立中通一路如線西城山在興安州西南五里州志古縣治建其下今有三石塔存相近有藥王山以祠祀孫真人而名

謹按太平寰宇記西城故城在漢江北西城山東興州志不合

魏山在興安州西南九里通志心山二里至魏山三面

險絕惟北小徑可捫葛而升晉吉挹督護梁州秦韋鍾  
來寇挹嬰山固守二年不下

趙臺山在興安州南二里元和郡縣志梁時漢水泛溢  
人皆走避此山通志州南三里曰歡喜嶺山色皆赭有  
巨冢俗傳堯第九子冢昔有牧兒陷入見殿廷儼然皆  
上古時物以土封之遂失其處

文筆山在興安州南七里相近有香溪洞通志自魏山  
又三里度香溪溝入崇山中有石洞相傳呂巖郭尚竈

傳道茲洞洞前有石棋枰及子人不敢取州志出郭循溪而南度仙關折而南為純陽洞又南為八仙洞又西為三茅洞亦名凌霄洞與純陽洞隔溪相望橋上有玉皇閣相傳即呂郭棲息處又相近有龍門谷谷內有龍門洞洞有三泉旱禱輒應

白雲山在興安州東北五里通志白雲泉出焉一名卓

錫泉相傳為南嶽懷讓禪師卓錫得泉處

已上興安

女媧山在平利縣東三十里通志灌溪源出於此縣志

岡巒起伏蜿蜒四十餘里晉桓溫伐秦其將司馬勛為苻雄所敗退屯女媧堡即此

嶠冢山在平利縣西四十里通志相近有風洞深不可

測四時有風從穴中出

謹按此非寧羌之嶠冢

藥婦山在平利縣東南百里周地圖記昔有夫婦攜子入山其父墮崖妻子搗藥救之尋化為三石人山頂藥臼尚存

八里岡在平利縣東九十里通志一名萬粟岡東西凡

八里其地山環若城水繞如帶明嘉靖初縣被水議徙

治於此居民重遷事遂寢

已上平利

黃杼嶺在洵陽縣西三里通志上通黑山嶺為一邑主

山

謹按杼落圖切黃杼木名可染

駱駝山在洵陽縣西百二十步通志東枕縣治西接羣

山以形似名

臨崖山在洵陽縣東一里通志峯巒環擁南枕漢江北

控鵲嶺又有觀音洞在縣治北祈禱有應

羊山在洵陽縣北四十里通志即終南之支也連絡千里相傳為福地修仙之所絕頂西接商鎮南瞰漢江人跡罕到有一鐵釜可容水數石古松一株大數十圍世傳張良辟穀於此觀址尚存山下有仙花洞在縣北八十里洞極宏敞上有花蓂如雕刻下有泉寒冽異常

留傳山在洵陽縣南二里太平寰宇記行人愛其秀拔多留傳縱覽因名

女華山在洵陽縣南百二十里縣志山極高峻林木翳

翳山腰有洞入洞口二里許皆沙河洞中雲出必雨人  
以為候

紫荆山在洵陽縣東南五十里通志有洞深可五六里  
號仙洞山後有石池池傍有石蓮花

神仙洞在洵陽縣東七十里名山記內有生成石蓮花  
十九朶石獅子一洞門鐫紫蓋神仙洞天六大字縣志  
洞門高一丈七尺深不可測有古碑剝落鄉民祈雨輒  
應又黑龍洞在縣東百里旱禱亦多應

當門山在洵陽縣東百七十里輿地紀勝兩峰相對望

之如門

已上  
洵陽

鳳嶺在白河縣西北雍勝略形如鳳翥故名縣志一名  
繡屏山山頂舊有天池山腰即縣城東向層疊而下直  
抵東門又下里許有清風澗其在北門外者為北岡又  
里許為金家坪

印臺山在白河縣南一里通志層巒方正形如印臺  
故名一名南臺山

白崖在白河縣西南三十里縣志石磴盤紆望如積雪

南竹山在白河縣西南百二十里接湖廣竹山界大白石水出此又縣東南百三十里有申公嶺小白石水出焉

龍岡山在白河縣南二里通志山勢起伏如龍唐書地

理志豐利縣有伏龍山

謹按豐利故城在縣南

元豐九域志鄖鄉

縣有伏龍山

謹按宋省縣入鄖鄉疑龍岡山即伏龍山也

已上白河

神峰山在紫陽縣治北通志數峰壁立如屏縣治枕其

麓上常有雲氣

滴水崖在紫陽縣北十里通志怪石嶙峋崖上有洞洞有石龍吐水又有太白池深不可測禱雨輒應

鳳凰山在紫陽縣北七十里按漢陰界縣志疊聳十二

層如鳳凰翔舞上多仙跡

又見漢陰

雞鳴坡在紫陽縣西南六十里雍勝略坡甚高相傳漢高祖微行至此聞雞鳴遂止

觀音碕在紫陽縣西南百二十五里縣志懸崖高覆有天成石龍俯首滴泉下有石甌盛注不竭不溢洞中可

容數十人

玉屏山在紫陽縣南三里通志相近有甕山下有紫陽洞雍勝略洞在紫陽灘之崖洞有三谷深丈許宋紫陽真人張平叔修煉之所

白崖洞在紫陽縣南四十五里縣志沿汝河三十里懸崖峭壁竹木叢茂上下二洞距五丈許洞中垂石乳滴水下有石筍承之形若雌雄相顧四傍石紋如鱗次相傳為宋時仙隱處

望夫山在紫陽縣南九十里縣志在任水之濱一婦以夫不歸朝夕登望後化為石

三尖山在紫陽縣南百里縣志林谷叢密其相近有木竹埡又有仙女洞洞門常有霞光五色相傳洞中水溢見胡麻飯流出

三台山在紫陽縣東三十里通志山形疊聳其中有石洞龍泉又相近有三十六峯羣峰簇擁為諸山冠木石巉巖中多虎豹又縣東三十五里有沖天洞在汝河對

岸懸岸中有石洞洞前有泉亦紫陽真人修煉處

已上紫陽

雲霧山在石泉縣西北六十里縣志上有佛殿佛座下有泉雲霧四時不散山因以名下有洞深不可測歲旱祈禱投石於中即有風從洞出風止即雨

枯柳洞在石泉縣北五里通志高一丈二尺洞門有石臺石爐中有石籩豆杯筯之類皆出天成洞有三梯緣梯而進旁有泉如碗傾耳聽之如雷穴深莫測

磨兒嶺在石泉縣西北百二十里通志嶺通于午谷為

入省捷徑其高入雲路屈折盤旋如轉磴故名

古源洞在石泉縣西十五里通志一作鼓圓洞平地突出大石方圓數畝有石澗數道崖鵠古源洞口四字其石壁為金鈴崖

天池山在石泉縣西四十里縣志自麓至頂二十里上有天池大可三四畝內產紅白二蓮若產並蒂則邑有嘉祥

烟波洞在石泉縣西南六十五里縣志漢水之濱峻壁

懸崖其下為洞深不可測中有靈湫旱禱輒應相傳積薪洞口然之其烟透於天池山下之小洞

饒風嶺在石泉縣西七十里通志宋吳玠敗金兵於此南枕漢江與西鄉接界險峻倚天石徑盤紆為秦楚蜀往來必由之路有關置此

仙女洞石泉縣志洞有二一在縣西百里山林深邃人跡罕及中有池方畝許一在縣北七十里香爐溝崖上一石當門狀若龍頭洞有蓮花石盆禱雨輒應

十八盤山在石泉縣南五里漢江南岸雍勝略盤曲十八折乃達其巔

天平山在石泉縣東南八十里縣志一名太平山雍勝

略在漢江南岸其山高峻絕頂坦平約畝許

已上石泉

鳳凰山在漢陰縣南二十五里太平寰宇記一名龍子山疊嶂十二層道書云山上有仙人藥園縣志南繞漢江東西二百餘里有峯似鳳因名又山頂有鳳凰池仙女池卧龍岡在漢陰縣城北通志其形蜿蜒如龍又

岡之後有長嘯崖崖下有朝陽洞洞之東有泉自崖畔流出名洗心泉

煉丹崖在漢陰縣南八十里通志有黃龍洞相傳為黃龍禪師入定處

玉皇洞在漢陰縣東三十里通志在紅崖道旁陳典丹崖洞記邑東三十里許曰丹崖峭壁孤懸有古洞三  
惟臨堤一洞猶可攀援其中及最上者路懸一線下視  
千仞登者難之

謹按丹崖即紅崖則丹崖洞即玉皇洞也

月嶺山在漢陰縣東六十里元和郡縣志梁門山在縣東八十里梁將王神念開拓州境以梁門為之門月川

水出此

謹按月嶺山疑即梁門山已上漢陰

大川

附水利

興安州漢水在州城北一里自紫陽界入境又東入洶陽界水經注漢水逕魚脯谷口又東逕鰲池南鯨灘又東逕嵐谷北口又東右得大勢右對月谷口又東逕西城縣故城南又東為鱣湍元和郡縣志漢水去州城百

步州志漢水諸灘在州境者以神灘為最險

唐釋無可  
行漢水晚

次神灘阻風詩驚風山半起舟子忽停橈岸荻吹先亂  
灘聲落更跳聽松欹今暮過島或明朝若盡平生趣東

浮看  
石橋

嵐河在興安州西南七十里水經注漢水東逕嵐谷北  
口嶂遠溪深澗峽嶮遠氣蕭蕭以瑟瑟風颼颼而颼颼  
故川谷擅其目通志自平利縣界流入州境源出化龍  
山東流七百餘里中有仙人碕巨靈跡鎖龍橋諸勝至  
石泉壩北流入漢

吉河在興安州西南十五里通志亦謂之急河源出平

利縣界東北流入漢水經注漢水右得大勢勢阻急溪

故亦曰急勢元豐九域志西城縣有吉水州志吉河自

界嶺來北流入於漢

謹按急勢城即晉梁州督護吉挹所治則吉河或亦因吉挹而名也

月河在興安州西七里通志自漢陰界流入又東南入

漢水經注月谷口山有坂月川於中黃壤沃衍桑麻列

植佳饒水田故孟達與諸葛亮書善其川土沃美也

州志越河自鳳凰山東流至石泉受遲河水至漢陰受

漆河水過越嶺關受白魚溝水又受恒河水昔經牛山麓明末南徙又東受傅家河水又東流數十里入漢水口僅可容舟

黃洋河在興安州東南五里一統志源出平利縣西北流至州東入漢又陳家溝在州南二里故道由新治內因建新城導流東門外夏秋水漲則循城而北遶而西流與施家溝水會經舊城西南隅折而東出長春堤開口入黃洋河

金泉在興安州東二里輿地紀勝子城東之井也取金水之義州志一名金井泉在白龍隄金華寺其深四丈水甚甘冽

長春堤在興安州東一里一統志州境凡水漲時黃洋河與漢江會合涌溢上行堤界黃洋漢江二水間鑿竇為閘以時啓閉明成化十五年增築萬厯崇禎間重修為一城保障其相連者又有白龍隄

千工堰在興安州西七十五里通志恒河發源燕子嶺

西南流二百七十餘里至龍口築堰名千工堰引水分上  
中下三渠後淤塞下渠康熙五十六年於龍口南七里  
更築永豐堰與千工堰共溉田一千一百餘畝

大濟堰在興安州西北三十里通志引傅家河開渠六  
道溉田二千餘畝

南溝堰在興安州西一百里通志南溝水出鳳凰山在  
越嶺之西越河之南土人名為大南溝築堰蓄水溉田

千餘畝

已上  
興安

嵐河在平利縣西南百五十里通志源出四川太平縣界北流至興安州界入漢

黃洋河在平利縣西南三十里縣志源出風線口西北

流入州境注漢江又灌溪河在縣南二十步源出女媧

山西北流合黃洋河又有月溪河在縣北十五步源出

高王山

謹按在興安州東六十里

南流西折遶縣城而會於灌溪河

水勢環曲如月故名或謂即太平寰宇記所為聲水

月溪隄在平利縣北門外通志明嘉靖三十七年築以

障月河

已上  
平利

漢水在洵陽縣南一百十步通志自興安州界流入又

東入白河界水經注漢水自鱸湍又東合旬水又東逕

木蘭寨南又東左得育溪又東得甲水口太平寰宇記

漢水在廢洵陽縣城南

謹按洵陽故  
城在縣東

縣志漢江在縣南

門外至縣東三十里為構園沱夏秋水漲舟行甚艱又

至縣東百五十里有仙灘又東三十里有藍灘亂石縱

橫怒濤洶湧為舟楫患

間河在洵陽縣西二十五里通志即澗水源自平利縣來北流入漢太平寰宇記澗水在縣西二十七里一名間谷水北注於漢其間字亦為驢字縣志間河源出連尖山金河神河壩河平頂河之水皆會焉北流入漢

洵河在洵陽縣東百二十步雍勝略出自西北山流入漢江縣以是得名漢書地理志洵陽縣北山旬水所出南入沔水經注旬水北出旬山東南流逕平陽戍下與直水枝津合又東南逕旬陽縣與柞水合又東南逕旬

陽縣南又東南注漢謂之旬口

謹按旬陽故城在縣北

縣志源出

鎮安之秦嶺南流入漢長八百里東西北三面遶縣治  
乾祐河在洵陽縣西北百四十里通志即柞水源自鎮  
安縣東北乾祐山東南流合於洵河水經注柞水西出柞溪  
南流逕重崖堡西屈而東流逕其堡南又東南注於旬水  
蜀河在洵陽縣東百四十里通志即育溪水育一作  
洧出於秦嶺中洞河西盆河蓋其源也南流逕閭闕  
入漢江水經注漢水左得育溪興晉旬陽分界太平

寰宇記清水在廢洧陽縣西一百步自商州上津縣來  
東南注於漢元豐九域志洧陽縣有清水

蓮花池通志池凡三在洧陽縣東西北各五里不由浚  
鑿皆天成也相傳花盛則年豐

水田坪堰在洧陽縣北一百八十里通志洧河源出鎮  
安縣梅子嶺至水田坪築堰又南流五十里為洧河堰

溉田三千餘畝

已上  
洧陽

漢水在白河縣北三里通志自洧陽界流入又東流入

湖廣鄖西界水經注漢水又東為龍淵又東逕錫縣故  
城北為白石灘又東逕長利谷元和郡縣志漢水南去  
豐利縣二十里縣志月兒潭在縣西五十里潏洄澄澈  
有如秋月故名

仙河在白河縣西北南流入漢太平寰宇記上津縣有  
長利水亦名仙水西北自豐陽縣流入豐利縣界

謹按上津

縣今屬鄖西豐  
陽縣今屬山陽

長春澗水在白河縣西北一里通志源出龍岡兩崖花

卉四時不絕其水北入於漢

白石河在白河縣西南二里水經注漢水東逕錫縣故城北為白石灘縣志源出竹山界東北流去縣二里入漢江又小白河在縣東南九十里亦出竹山界北流入

白石河

已上  
白河

漢水在紫陽縣南門外通志自漢陰界流入又折而東入興安州界水經注漢水自逕寧都縣南又東逕魏興郡廣城縣又東得魚脯谷口舊西城廣城二縣指此谷

而分界也

謹按寧都縣今屬漢陰廣城故城  
在本縣東南西城縣今屬興安州

通志鴛鴦

石在縣西三里漢江南岸名山記石有雌雄之狀舊在  
洋縣鴛鴦壩順流至此漁人識之

松河在紫陽縣北八十里南流入漢水經注寧都縣治

松溪口

謹按此即  
柏松河

任河在紫陽縣西南一里通志源出四川大寧縣流逕  
太平縣又至縣境北流入漢崖路崎嶇通西蜀道板木  
結棧多由此出河有之灘在縣西南二十五里橫石參

差曲折如之字形故名

顯鐘溝水在紫陽縣南四十五里通志昔溝中水漲湧出巨鐘二故名其水東流入任河

汝河在紫陽縣東南三十八里通志有東西二源出於四川之界嶺北流入漢

已上紫陽

漢水在石泉縣南五十步通志自西鄉界流入又東入漢陰界水經注漢水自會洋水又東歷教頭又東合直水又東逕直城

謹按直城今屬漢陰

興安州志石泉縣西四十里

漢江中有洪石灘灘下百餘步有閼王坂石崖陡峻鑿孔為路灘中石大水急舟行最險

饒風河在石泉縣西十里通志一名毛家河源自西鄉縣子午河分流逕土門關東入漢

紅河在石泉縣東二里雍勝略兩岸沙石皆紅源出五橫嶺南流入漢

遲河在石泉縣東五十里縣志遲一作池即直水自鎮安界流入水經注直水北出于午谷巖嶺下又南枝分

東注旬水又南逕蕤閣下又東南歷直谷逕直城西而南

流注漢魏書地形志安康縣有直水

謹按安康故城在漢陰縣界

太平

寰宇記直水源出永興軍乾祐縣弱嶺姜子關南流逕

漢陰縣西又南注於漢其北流當終南山子午谷路

謹按乾祐

縣今屬鎮安

元豐九域志漢陰縣有直水

謹按唐大歷間省縣入漢陰

雍勝

略遲河源自長安縣腰竹嶺來至蓮花石南入漢江相

傳此水易漲難退故名遲河其沃衍

謹按此即直水直與遲以聲近而訛

石泉在石泉縣南五十步雍勝略其泉清冽四時不涸

縣以此名

已上石泉

漢水在漢陰縣南九十里通志自石泉界流入又東南流入紫陽界水經注漢水自合直水又東逕直城南又東逕千渡至蝦蟆頤歷漢陽撫口而屈於彭溪又東逕

晉昌郡之寧都縣南

謹按直城故城在縣西寧都故城在縣東南

月河在漢陰縣西百步縣志即月川水唐書地理志漢陰西有月川水元和郡縣志月川水出縣東梁門山通志源出月嶺山東流入州界注漢江明成化間水漲壞

金匱山志卷二十八  
民廬舍遷民居於水西築隄障之

恒河在漢陰縣東二十五里雍大記北岸有古之淘金

場縣志其水流入興安界八月河

已上  
漢陰

### 古蹟第宅

興安州宋勸忠堂通志在興安州宋朝建今廢明成化十五年州守鄭福構堂積圖書植花卉瓜蔬為退思宴賓之所今復廢

青碌局通志在興安州西一百五十步碧鈿青碌諸洞

凡二十餘處自宋以來每歲辦採至明始停閉改為預備倉今廢

忘歸亭一統志在興安州南五里宋陳師道有記又州西北有翠花亭亦宋時建又牛山有忘歸亭春時花開錦綺爛然為一方勝景

鳳亭一統志在漢陰縣東十五里見輿地紀勝

古蹟 祠宇

上古女媧祠一統志在平利縣東十五里元豐志女媧

山上有女媧廟

帝嚳廟一統志在洵陽縣南

虞舜祠一統志在興安州城北帝王世紀西城縣有虞舜祠水經注西城縣故城內有舜祠漢高帝廟置民九戶歲時奉祀焉通志舊廟廢明隆慶中重建於漢江北岸里許

夏禹廟一統志在洵陽縣東禹穴

漢高祖廟一統志有二一在興安州南三里一在洵陽

縣西太平寰宇記洵陽縣南山下有漢高祖廟洵陽志  
廟在縣西二十里其側有泉遺址尚存

昭烈廟一統志在漢陰縣西元至正三年建

鄼侯廟一統志舊在興安州城內明成化十八年移新  
城

隋皇道觀一統志在洵陽縣西舊有古銅鐘開皇中鑄  
唐忠惠王廟一統志有二一在興安州北牛山一在州  
西二里祀金州刺史崔偉

新羅寺一統志在興安州西六里有唐懷讓禪師庵

萬春寺一統志在興安州北白雲山下初名萬頃寺唐  
建在今寺之東後移於此更名萬春寺前有萬春洞洞  
內外多唐宋人題名

純陽洞一統志在興安州舊城東南隅一名紫扉道院  
相傳有呂仙遺跡

宋天聖寺一統志在興安州西西津渡之南宋建明洪  
武十七年重修

明原公祠一統志有三一在興安州城內一在洵陽縣  
治東一在紫陽縣治西俱祀鄖撫原傑

東明庵一統志在紫陽縣西八十里成化中建棟宇壯  
麗甲於漢南

本朝忠烈祠一統志在興安州治西祠署商洛道袁生  
芝知州屈良貴州判孫嘉引俱順治三年守城殉節者

古蹟 郊邑

唐虞鳩墟雍勝略在興安州之梁州故城虞舜嘗居之

謂之媯墟帝王世紀謂之姚墟

謹按漢中府城固縣亦有媯墟未知孰是

石紐村一統志在洵陽縣東一百三十里高八尺深九尺旁鑄禹穴二字穴右有泉味甚清冽世傳禹決漢水居此通志石泉縣石紐村大禹生此石穴杳深人跡不到近世掘地得古碑有禹穴二字乃李白所書乃知會稽

禹穴之誤

謹按二說頗異今姑兩存之

周子貢遇丈人處雍勝略在漢陰縣境莊子子貢南游於楚過漢陰見一大人方將為圃畦用力甚多而見功

寡子貢曰有械於此用力寡而見功多為圃者曰奈何  
曰鑿木為械後重前輕繫水若抽數如沃湯其名為槔  
為圃者笑曰吾聞之有機械者必有機事有機事者必  
有機心機心存於胸中道之所不載也吾非不知羞而  
不為也

鬼谷子墓通志在石泉縣北雲霧山中名鬼谷子嶺相  
傳其隱處有廢址鐵棺尚存周迴奇花異卉一本而五  
色者大如椀采茯苓者多見之或繫帶以識之行數武

而迷其處

漢聖公館一統志在洵陽縣東太平寨宇記黃土縣雞鳴山北十五里有聖公館光武義兵屯此

舊子午道一統志在漢陰縣西北水經注直水北出子午谷通鑑地理通釋安康縣有舊子午道梁時別開乾路於黃金縣境舊道遂廢

鄖關通志在平利縣東南一百五十里與湖廣竹溪縣交界水經注漢水又東逕鄖鄉縣故城南即長利縣之

鄖鄉漢地理志鄖有關李奇以為鄖子國

三國伎陵城一統志在洵陽縣東漢江南岸其北岸為  
木蘭寨晉書宣帝紀魏太和元年新城太守孟達連吳  
蜀謀舉兵帝潛軍進討吳蜀各遣其將向西城安木蘭  
寨以救達水經注漢水東逕木蘭寨南右岸有城名伎  
陵城周迴數里左岸壘石數十行重壘數十里中謂是  
處為木蘭寨云

孟達墓通志在石泉縣東一里臨崖寺右

晉吉挹城一統志在興安州西南六里水經注漢水右  
得大勢勢阻急溪依山為城城周二里在峻山上晉梁  
州督護吉挹所治苻堅遣韋鍾伐之挹固守二年不能  
下無援遂陷元和郡縣志吉挹於急口峻山築壘固守  
在西城縣西南魏山上

唐毛壩關通志在紫陽縣西南一百二十里任河旁接  
西鄉及四川太平縣境通鑑乾祐四年許存為荆南節  
度使成汭所襲屯於茅壩

謹按毛  
茅同聲

五代歸安鎮通志在興安州北五里通鑑周顯德五年  
李玉至長安或言蜀歸安鎮在長安南三百餘里可襲  
取也玉信之蜀兵據險要之敗沒長安志歸安鎮在乾  
祐縣南一百二十里

宋白土關通志在平利縣東一百五十里擂鼓臺山南  
北亘峙關當其背宋史王彥傳建炎四年桑仲乘勢西  
攻直搗金州白土關彥擊敗之

土門關通志在石泉縣西七十里縣志在饒風嶺上十

里又饒風關在縣西六十里饒風嶺中分石泉西鄉兩  
縣界宋史吳玠傳紹興三年金薩里罕自商于取金州  
長驅趨洋漢興元守臣劉子羽急命田晟守饒風關以  
驛書招玠入援玠自河池日夜馳三百里遂大戰風嶺  
六晝夜敵不退會玠小校有得罪奔金者導以祖溪間  
路出關背乘高以瞰饒風諸軍不支遂潰縣志祖溪關  
在饒風嶺北四十里

明金雞寨通志在平利縣東南二百里自金毛關平地

突起一山高百丈周環有水明正德間勦流寇嘗屯兵於此  
大夫營一統志在洵陽縣東一百五十里明初御史大  
夫鄧愈曾屯兵故名

二州埡通志在紫陽縣西南一百六十里任河旁接四  
川界正德間分蜀建州為太平縣分秦金州為紫陽縣  
於二州埡設戍守縣志斷崖絕壁雄峙一方


遇仙橋通志在興安州城南七里香溪澗水上相傳知  
州鄭福遇仙人對奕處

安康橋通志在興安州故城南一百步成化甲辰濠水衝決郡守鄭福壘石為六洞本安康郡以名之

玉帶橋通志在漢陰縣西四十里跨月河堤上萬厯丙辰知縣張啓蒙修月河堤並創橋一座障以柱檻月水繚繞夾左右掖若玉帶然因以名橋

本朝七里關一統志在洵陽縣南一百五十里為楚蜀之衝舊置銅錢關後以山僻難守移建於七里溝故名康熙元年設守備駐此雍正十三年改設都司

仁壽橋通志在興安州東門康熙三十二年漢水暴漲  
薄郡城橋壞乃鳩工重築易木以石寬可方軌



關中勝蹟圖志卷二十八